



ACoRD

Savez za zajednički
ruralni razvoj



Podržano od
strane



Ovaj projekat
finansira
Evropska unija



POZIV

za učešće u PROGRAMU OBUKE ZA RURALNE ANIMATORE

Poštovani/a,

U okviru projekta Savez za zajednički ruralni razvoj – ACoRD projektni tim organizuje set treninga pod nazivom „**Program obuke za ruralne animatore**“ namjenjen NVO profesionalcima koji su uključeni u sektor poljoprivrede i ruralnog razvoja, zaštite životne sredine i pitanja ekonomskog razvoja. Cilj programa obuke je jačanje kapaciteta organizacija koje su članice mreže, ali i drugih NVO koje su aktivne u sektoru ruralnog razvoja. Fokus ovog programa obuke je razvijanje kompetencija „ruralnih animatora“ koji kao predstavnici NVO u svakodnevnom radu zagovaraju razvoj ili pružaju usluge koje su usmjerene na razvoj ruralnih zajednica.

Znanja koja će „ruralnih animatora“ biti u prilici steći pohađanjem ovog programa obuke su sledeća:

- razumjeti osnovne teorije i izazove u sektoru ruralnog razvoja na zapadnom Balkanu;
- razumjeti istoriju, genezu i stvarne aktere politike ruralnog razvoja u zemljama zapadnog Balkana i Evropske unije;
- pružati svjetodavne usluge LAG-ovima i drugim organizacijama kako mogu doći do sredstava iz programa namjenjenih za implementaciju LEADER pristupa;
- pružati podršku mobilizaciji lokalne zajednice u cilju pokretanja inicijativa za lokalni razvoj;
- koristiti participativne metode i alate za mobilizaciju lokalne zajednice.

Program obuke za ruralne animatore je koncipiran kroz dvije komponente i ukupno 6 jednodnevnih modula.

Komponenta 1 (4 modula):

Modul 1: Ruralni razvoj

Ovaj uvodni modul obuhvatiće osnove koncepta ruralnog razvoja obrađujući teme: definisanje ruralnog prostora, ruralnih područja i ruralnog preduzetništva; identifikovanje ključnih institucija i njihovih programa namjenjenih za ruralni razvoj; višedimenzionalni aspekti ruralnog razvoja. Modul će obraditi i teme vezane za uvođenje LEADER pristupa i pružanje primjera i lekcija naučenih kroz iskustva zemalja iz EU, te analizirati dosadašnja iskustva o formiranju i radu lokalnih akcionih grupa.

Modul 2: Ruralna ekonomija

Modul ruralna ekonomija obrađuje osnovni koncepta ruralnog ekonomskog razvoja kroz analizu nacionalnih politika i strategija koje su relevantne za ruralni ekonomski razvoj. Osim toga govori o značaju ruralne diverzifikacije, upravljanju



ACoRD

Savez za zajednički
ruralni razvoj



prirodnim resursima, konceptu poduzetništva, te važnosti poslovnog plana i procesu poslovnog razvoja.

Modul 3: Ruralna sociologija

Modul ruralna sociologija obrađuje koncept savjetodavnog rada uz shvatanje egzistencije ruralnog stanovništva, društvenih grupa u ruralnim područjima i njihovim potrebama. Ovaj modul obuhvata i metode rada na identifikovanju i aktiviranju marginalizovanih grupa te korištenju postojećih resursa u ruralnim područjima.

Modul 4: Ruralna ekologija

Modul obrađuje osnovne koncepte ekologije iz ugla ruralnih područja uključujući: koncept multifunkcionalnog korištenja zemljišta i upravljanje zemljištem; koncept interakcije/odnosa poljoprivredne proizvodnje i biološke raznovrsnosti i procjena njegovog uticaja na okolinu, te regulacioni zakonski okvir.

Komponenta 2 (2 modula):

Modul 1. Lobiranje i zagovaranje

Kroz ovaj modul učesnici će razumjeti osnovne principe lobiranja i zagovaranja, te naučiti kako bolje lobirati za svoje članove, ali i kako se zalagati pred javnim tijelima za prava ruralnog stanovništva.

Modul 2: Javne politike i javne kampanje

Ova obuka ima za cilj uvesti ruralne animatore u istraživanje javne politike i ukazati na značaj učešća civilnog društva u ovom istraživanju. Kroz modul će se obraditi: osnovni principi istraživanja i analize javnih politika i uloga civilnog društva u tom području; definicija javne kampanje i relevantni podaci (poruke) za javne kampanje; osnovni elementi javne kampanje; taktike; alati za podizanje svijesti o problemima u zajednici.

Planirano je održavanje 6 jednodnevnih treninga u periodu septembar-decembar 2014. godine na lokacijama: Banja Luka, Bihać, Sarajevo, Mostar i Brčko. O tačnom mjestu i vremenu održavanja svi učesnici koji se prijave će biti blagovremeno obavješteni od strane projektnog tima ACoRD-a najkasnije 7-10 dana prije održavanja treninga. Stoga Vas molimo da imenujete po 2 učesnika ispred svoje organizacije popunjavajući PRIJAVNICU koja se nalazi u prilogu ovom pozivu. Po završetku obuke svim učesnicima će biti dodijeljeni certifikati.

S poštovanjem,

Projektni tim ACoRD-a

Podržano od
strane



Ovaj projekat
finansira
Evropska unija

